



Broj: 04-1-3-4399-5/20
Sarajevo, 02.07.2021. godine

Na osnovu čl. 5. stav (1) tačka f) i 23. stav (1) tač. d) i r) Zakona o Agenciji za bankarstvo Federacije Bosne i Hercegovine ("Službene novine Federacije BiH", broj 75/17), člana 46. stav (2) Zakona o mikrokreditnim organizacijama ("Službene novine Federacije BiH", broj 59/06) i čl. 7. stav (1) tač. c) i f) i 16. stav (1) tačka k) Statuta Agencije za bankarstvo Federacije Bosne i Hercegovine („Službene novine FBiH“, broj 3/18), direktor Agencije za bankarstvo Federacije Bosne i Hercegovine donosi

RJEŠENJE

1. Ostatak imovine Mikrokreditne fondacije „SANI“ Zenica, kojoj je oduzeta dozvola za obavljanje poslova davanja mikrokredita u skladu sa Rješenjem Agencije za bankarstvo Federacije Bosne i Hercegovine broj: 04-1-3-4399-2/20 od 25.05.2021. godine raspoređuje se na Mikrokreditnu fondaciju „MI BOSPO“ Tuzla, sa sjedištem u Tuzli, ul. Bosne srebrene bb.
2. Mikrokreditna fondacija MI BOSPO Tuzla je dužna da provede aktivnosti na utvrđivanju ostatka imovine Mikrokreditne fondacije „SANI“ Zenica prema stanju iskazanom u Izvještaju o obavljenoj finansijskoj reviziji na dan 31.12.2020. godine, sačinjenim od strane neovisnog vanjskog revizora REVIK d.o.o. Sarajevo, uključujući naknadno nastale poslovne promjene do dana preuzimanja ostatka imovine, te da u roku od 30 dana od dana pravosnažnosti ovog rješenja istu preuzme u skladu sa ovim rješenjem.
3. Organi upravljanja i rukovođenja Mikrokreditne fondacije MI BOSPO Tuzla su dužni da u roku od 15 dana od dana pravosnažnosti ovog rješenja dostave informaciju Agenciji za bankarstvo Federacije Bosne i Hercegovine o statusu aktivnosti iz tačke 2. ovog rješenja, te da u roku od 5 dana od dana isteka roka iz tačke 2. ovog rješenja dostave izvještaj o prenosu ostatka imovine uz dokumentovanje svih aktivnosti.
4. Ovo rješenje će se objaviti u „Službenim novinama Federacije BiH“ i na službenoj web stranici Agencije za bankarstvo Federacije Bosne i Hercegovine, te će se dostaviti Federalnom ministarstvu pravde, kao nadležnoj instituciji za registar fondacija.

Pouka o pravnom lijeku:

Protiv ovog rješenja može se izjaviti žalba Komisiji za odlučivanje po žalbi protiv prvostepenih akata Agencije za bankarstvo Federacije Bosne i Hercegovine - Drugostepena komisija u roku od 8 dana od dana dostave rješenja.

Žalba ne odlaže izvršenje Rješenja, a u skladu sa odredbom člana 12. stav (4) i (5) Zakona o Agenciji za bankarstvo Federacije Bosne i Hercegovine ("Službene novine Federacije BiH", broj 75/17). Žalba se podnosi putem organa koji je donio rješenje ili Drugostepenoj komisiji direktno, neposredno ili putem pošte na adresu Agencije za bankarstvo Federacije Bosne i Hercegovine.

DIREKTOR

Jasmin Mahmuzić